

東甌金石志

東甌金石志卷六

嘉善 戴咸弼 鼇峯 纂緝

瑞安 孫詒讓 仲容 補校

宋四

白鶴寺鐘銘

恭爲祝延

今上皇帝聖壽福及州縣官

寮六軍萬姓者

宣和七年歲次乙巳三月初七日重建

右上層第一區計四行行四字至十五字

忠訓郎樂清縣尉姚茂

迪功郎樂清縣主簿王□

迪功郎樂清縣丞杜公謹

從政郎樂清縣令管勾勸農公事兼監天富北監陳  
祖受

右第二區計四行行九字至二十二字

鐘銘

有序

宣和三年五月仙居羣賊陷樂清以白鶴

寺爲洞其秋王師至賊焚寺遁走鐘亦隨燬六年三  
月寺僧法因子印以所遺銅六千斤更鑄千人共出  
錢鑄造明年三月九日鐘成邑人鄒邦彥爲之銘曰  
我聞賊初作 官以鐘號兵 及賊據爲巢 亦以  
鐘聚黨 佛始制鐘意 欲衆聞法音 豈知倉卒  
閒 覆用代金鼓 大衆觀是事 猶彼衆生心  
用之善不善 毫末繆千里 善用則法器 不善

器亦凶 器猶可變更 心謬難遽改 今以三昧  
火 鎔彼熱惱銅 入此戒定模 得成無漏器  
撞以慈悲手 流出微妙音 六道與四生 聞者  
證常樂

右第三區計十行行二十字

山門句當比丘 子印法因

同句當弟子任 敏湯尹

勸緣典史 陳 忭柯敦

山門首座比丘 雲安

山門尊宿比丘 景蟾清塞

山門監寺比丘 惠秦

山門表白比丘 惟行

都勸緣住持傳天台教觀比丘惟或

右第四區計八行行八字至十四字

弟子徐行可并妻王十一娘捨銅二百五十斤答四恩三有典史陳忭并妻楊四娘與合家等導祖翁四郎祖婆鮑四娘考八郎妣親薛三娘方廿五娘生方弟子任敏并妻蔣十一娘男希老合家等奉答四恩三有及法界衆生仍導男才十六郎生方弟子柯敦并妻徐十娘奉答四恩三有仍導考妣二親生方弟子湯尹母王十一娘妻屠二娘答四恩三有仍導考六郎生方已上各捨錢十五貫弟子孫師古母劉廿二娘捨一十四貫導考三郎生方

右第五區計九行行八字至二十五字

比丘清塞弟子張玩女弟子王三十娘并孫孫師顏  
已上各捨一千女弟子楊廿二娘男宋世英弟子包  
瑾弟子季自立弟子林有成陳師禹已上各捨七千  
足奉答四恩三有典史張格母陳二娘妻林十八娘  
合家等導考十郎女弟子徐十二娘并男陳邦直合  
家等夫陳十八郎弟子趙惟岳并姪式振等奉答四  
恩三有已上各捨五千足弟子孫師錫并弟敏修捨  
四千足薦考十九郎弟子郭成并妻陳十五娘捨五  
千省答四恩三有弟子王鍾并妻陳十五娘男亞五  
亞寧捨五千省答四恩三有仍薦母陳七娘 李敦  
妻王十六娘捨三千

右第六區計十行行十六字至二十六字

吳宗貴 吳宗浩 何仁興 童義 辜尹材 童  
滿 黃仕方 劉滿 屠安老 陳皓 夏迪 錢  
宗 劉昇 孫揚 婁大用 陳典 潘滿 張忠  
弼 王安彥 朱慎欽 辜盛乙 陳紹祖 徐勝  
包汝明 周趙三 林有資 倪佑妻盧二娘  
施保生 何有全妻徐八娘 趙十一娘 陳五娘  
孫十二娘 陳十九娘 孫十三娘 楊廿七娘  
林十四娘 朱二娘 林三娘 劉十六娘 薛  
十七娘 官十四娘 蘇六娘 葉四娘 任五娘  
任十娘 朱十二娘 任十二娘 黃六娘 應十  
娘 黃五娘 吳六娘 孫隣 鄭四娘 林五娘  
林三二娘 陳益 徐六娘 陳瑤才 張時訓

林徹 林漢 高詠 毛銳 各捨一千

右下層第一區計十二行行十三字至二十字  
任希老妻陳七十一娘男邦祖昇祖女十五娘陳二  
妻王十八娘陳泗恭陳泗圓夏伴德各一千

右在枚篆閒計二行一行十七字一行二十字

弟子湯祥捨錢一貫 口爲 周弄 倪邦彥 陳

修 呂有成 湯怡 潘彬 潘義 陳敦 張逢

孫安禮 陳倪生 吳怡 徐廉妻林二娘 章

成德母朱四娘 林三四娘男劉棠劉節 任八娘

柯廿三娘 孫三二娘 施二十娘男余邦彥

張十二娘 周因妻陳一娘 應二娘 林庠敏妻

陳二十娘 葉師蓋妻陳十三娘 林維妻陳五娘



葉六娘 蔣十三娘 周公義 陳十四娘 吳  
瑛 各捨一千 會首裴仕寧化錢一十千 林師  
佑化錢八千 蔣保妻劉十七娘化六千 王亮化  
六千 徐超化六千 張忠錫化五千 朱輝化五  
千 葉安生化三千 陳聿化三千 徐勝化三千  
陳泗有化三千

右第二區計十二行行十三字至二十字

比丘延祖怡勉會首石浩真陳泮兒林安瑞 張道  
倪法希陳才盧三二娘姚廿四娘沈四娘 張六娘  
湯十二娘共化到二十千

右在枚篆間計三行行十三字至十八字鐫刻  
陰文

前住持傳教賜紫慧空大師覺初捨七千 住持傳  
教比丘惟或 傳教比丘景蟾 則海 傳法比丘  
用忠 行持 妙應大師景新 比丘處安 景文  
景韶 惟介 澄浩 景才 子達 智鴻 惟  
衍 怡穆 擇崇 景資 惠臻 懷信 懷辯  
祖昇 宗尙 景全 慧顯 處昂 惠嚴 祖襄  
法尹 仲丕 延祖 梵詮 祖恭 妙辯大師  
道深 普明大師世延 賜紫居愿 比丘尼守賢  
仲安 宗淨 戒森 義昭 戒月 良雅 師  
玩 道光 已上各一千 同幹比丘澤崇 文靜  
師覺

右第四區計十一行行十字至十六字

東陽金石志 卷之六  
永嘉鐘匠翁詳禧 支晞妻葉十六娘男才男修捨  
五千 女弟子鄭三娘安一娘弟子薛□周新各一  
千

右在枚篆閒計三行行七字至十八字女弟子  
一行鐫刻陰文

弟子鄭惟玘并男迪功郎前台州州學教授邦彥新  
婦林四六娘 印典鄭充妻葉八娘 葉邦百 任  
道元 鄭璠 陳彥臣 陳昱 林照妻連一娘  
劉璋 裴八娘 張一娘 陳一娘 孫三四娘  
已上各施三千足 王億妻林七娘 陳□□ □  
彥釗妻陳三娘 余禮 孫延年 王敏 孫恭  
祖延 陳惇 林敦 毛筠 劉求錫 辜宗護

裴仕民 徐詵 孫維 包珪 張衛 鄒大猷  
林安淮母孫十九娘 倪勝 王楊 陳悅 徐逞  
妻潘五娘 孫端中母何五娘 吳道崇妻李七娘  
林玩母胡十七娘 林廿九娘 劉敦母林二娘  
葉安生妻彭四娘 各捨二千

右第五區計十二行行八字至十八字

陳威陳趙李益林大娘各一千

右在枚篆閒一行十二字鐫刻陰文

弟子黃安妻鮑八娘 支伴成妻華六娘 張才妻  
謝八娘 鄭添妻沈十一娘 王三娘 邵徽妻萬  
二娘 劉廿三娘 劉廿四娘 孫三娘 葉十娘  
倪廿七娘 吳二娘 林四娘 劉威 張序

林偁 謝彥 楊先 各二千 史敦義 張延

李熙昌 林二十娘 各千五百 鄭惟玠妻林廿

七娘 呂先 支珪 夏詵 宋元修 周恭 陳

衍 毛微 支彥 支旻 王忱 劉翌 劉珣

鄭瑤 林暉 陳師舜 周尙已 薛暉 張昕

張岳 周錦 陳杲 陳案 林仕隆 高義 孫

端信 李湜 徐珍 陳佐 徐衍 毛惟雅 周

悰 裴方 沈鄭 湯亞 各一千

右第六區計十二行行十三字至十七字

文僞按右銅鐘在樂清丹霞山白鶴寺高七尺六寸八分下圍一丈五尺一寸八分腰起橫稜分上下層共界爲十二區每區又界直稜以閒之古謂

之篆亦謂之帶周禮考工記鐘帶謂之篆篆閒謂之枚是也下層區高一尺一寸廣一尺二寸八分上層區高廣若干鐘款分列各區字並正書惟下層第三區無字中作圓相徑三寸八分內復重圍一線中一小圓◎八面對植一物如匕首形長二寸六分至三寸二分不等廣狹亦不一莫解何名下爲波文一魚龍首鳳尾作騰躍勢其枚篆閒刻文五行想出治後所補題者上層第六區後枚篆閒又有 國朝康熙閒樂清歲貢生李棟鐫刻字六行云樂成白鶴寺古利也寺有鐘古鐘也宋宣和閒樂有寇巢於寺而燬其鐘當日雖遭變故旋有善信爲施越三年而復鑄焉觀之鐘上鄭先

生之言可知也清康熙乙卯歲閩亂波及吾樂軍  
需不繼煮鐘爲錢諸寺觀皆不免賴邑主賈公應  
麟念切菩提令住持僧超煌靜以護之鐘幸以全  
亦越三年丁巳新其寺而復升之爰勒斯言於上  
以誌護法爲鐘再造之德永永無窮也貢生李棟  
記按鐘銘序云仙居羣賊陷樂清攷樂清志宣和  
三年仙居賊俞道安方臘之黨方寇甫退道安嘯  
聚柵溪爲亂陷樂清屯白鶴寺卽其事也丞簿尉  
三人郡志俱闕樂清志所載卽據此鐘而主簿王  
注云名逸實則漣漫似保亦似徠縣令結銜曰管  
勾勸農公事者政和二年詔縣令以十二事勸課  
農桑上副朝廷故有是稱宋設鹽場於杭秀明溫

台五州樂有天富北監在玉環鄉又有天富南監  
在平陽鄭邦彥字國材惟玘之子嘗從許景衡學  
解褐重和進士授滄州教再授台州皆以憂不赴  
趙鼎當國參政席益力薦之或言宜與舊職遂教  
婺州篤意造士王梅溪稱其學術淵粹爲時名儒  
見樂清志儒林傳下層第五區所列檀施姓名亦  
有邦彥名時其父惟玘尙在結銜稱前台州州學  
教授當在居母憂之時銘詞以禪語關心學足爲  
警俗之資惟體類梵偈不諧聲韻亦枋格也第六  
區毛微字知微有孝行以詩試爲太學上舍告歸  
一鄉皆稱其德縣方建學以微董其事因使爲之  
長以率後進之士亦見樂志孝友傳上層第六區



女弟子徐十二娘并男陳邦直合家等夫陳十八郎詳上下文義夫字上宜有導字或薦字率作率見北魏碑韻會謂率古文率字此又从省也所載捨錢人姓氏其偁祖曰祖翁祖婆子偁父曰八郎十郎女則自稱曰女弟子子偁母大稱妻亦曰幾十幾娘有多至百一娘千二娘萬一娘者男人亦有偁千一郎者考唐代金石刻多有此偁足以見當時風尚之異今則絕無矣此正有句當首座尊宿監寺等名其曰表白則罕見惟陝西興平縣宋保寧寺鐘款有表白崇廣處州天慶觀鐘亦有教門表白鴈大京葉昌齡等其曰傳天台教觀者陳時釋智顗居天台佛隴山號智者大師嘗著止觀

十卷緇流宗爲天台教捨錢之數曰足曰省者足則足陌省則短陌古謂之長短錢抱樸子云取人長錢還人短陌則晉時已有之梁武帝時有東錢以八十爲百西錢以七十爲百長錢以九十爲百卽今之七扣八扣也唐元和中京師用錢每貫除二十文昭宗末每百八十五河南府以八十爲百歐陽公歸田錄云用錢之法五代以來以七十七爲百謂之省陌其來遠矣

孫詒讓案鐘銘爲鄭教授邦彥所作其序云宣和三年五月仙居羣賊陷樂清以白鶴寺爲洞其秋王師至賊焚寺遁走鐘亦隨燬攷方勺泊宅編載方臘以宣和三年四月就擒餘黨走衢婺而越州

剡州魔賊仇道人台州仙居人呂師囊方巖山賊  
陳十四公等皆起兵畧溫台諸縣四年三月討平  
之薛良濟浪語集劉進之行狀亦云方臘起妖人  
呂師囊趣和之反黃巖陷樂清犯柘溪抵菰田管  
界巡檢陳莘以郡兵三百人拒之此與宋史童貫  
傳所載呂師囊合黨應方臘者正合而宋史丁仲  
脩傳則又云方臘黨俞道安陷樂清將渡江巡檢  
陳華浪語集作陳莘與此異往捕死之參互校覈  
蓋呂師囊俞道安爲一黨卽鄭序所云仙居羣賊  
陷樂清者也舊鍾旣燬寺僧乃募緣重鑄而邦彥  
爲之銘第五區載捨錢姓名有鄭惟玘者卽邦彥  
之父第六區又有鄭惟玘疑邦彥從父矣

黃槩等仙巖題名

黃槩 宣和

孫槩 同遊

右在瑞安仙巖梅雨潭前巨巖之陰正書上層四字字徑六寸三分下層四字字徑四寸一分孫槩宣和閒通判黃槩無攷

常寧寺橋石題字

寺僧妙口捨石橋一所靖康元年四月立

孫詒讓按右橋石題字在瑞安來暮鄉常寧寺石中斷缺一字不可辨宋元造橋題字永嘉瑞安兩邑所見尙多靖康紀年不永石刻頗尠故特錄之  
開元寺鐘銘

建炎二年歲次戊申二月二十四日  
恭爲祝延 今上皇帝萬歲福及郡邑官僚六軍萬  
姓

前資住持都幹當臣僧 道圓立

右上層第一區計三行

龍泉寶鐘宣和辛丑壞於賊火道圓閱法器之無傳  
遂出力而新之鄉貢進士蔣偉謹稽首爲之銘曰  
真空無相 託於有形 妙用難言 傳於有聲  
形聲不滅 法也大成 叩之鏗然 非雷非霆  
息苦警情 通幽洞靈 何千萬年 永鎮明庭

右第二區計七行

女弟子劉六娘男陳嵩新婦夏十六娘施三十貫

女弟子葉氏四娘爲自身施三十貫 女弟子劉三娘男夏姐郎施三十貫 女弟子陳三娘男王通王暹新婦潘廿二娘夏四娘施三十貫 女弟子姚八娘男陳彬新婦劉十九娘施十五貫 弟子夏伯英妻王八娘男臯新婦單十八娘施十五貫 章昇妻周十一娘施十五貫 顏光 潘泗稔妻葉七娘葉蔚妻鄭十一娘 劉世華母徐三娘 蘇泗德妻周四娘各施十貫

右第三區計八行

弟子鄭公安妻周二娘於造鐘時捨寶藏五銖錢施三十貫 弟子留舉妻王十三娘施藏錢七貫

右在枚篆間計二行

當山比丘道光施三貫 嘉福院比丘梵詮施十貫  
當山慈覺大師晞叡比丘允成仲彥各施二貫 當  
山比丘有崇施十五貫 師萃施十貫 當山同幹  
鐘沙門梵迎慧尋文杲各施一貫 當山知事沙門  
中啓施三貫 當山尊宿沙門行充道圓道方各施  
一貫 當山勸緣住持沙門道全施五貫

都勸緣迪功郎新就差監明州鹽倉劉謙施一百貫

右第四區計八行

南無十方常住法 南無阿彌陀佛

南無十方常住佛 南無本師釋迦牟尼佛

南無十方常住僧 南無彌勒尊佛

右第五區計三行

迪功郎縣尉盛奕修

迪功郎主簿呂恭問

儒林郎縣丞何執藝

宣教郎知縣主管勸農公事兼監鹽場詹夫

右第六區計四行

前資住持常裕元豐庚申正月廿四日施五百千鑄  
造宣和辛丑兵火燒壞收拾餘料仍千信人重鑄彫  
將功德薦常裕院宰并幹當僧熙坦

右枚篆閒計二行

弟子林筠 李民 蔣敦一 周復 夏師政 黃

珉 潘文象 葉先 蘇應期妻陳五娘 徐膺妻

池八娘 陳煜母朱四娘 已上各施五貫 周鼎



葉安母戴二娘 林範 已上各四千 周允

沈宗雅 劉世安 周彥 李壽 蘇忠諒 蘇安

□ 葉□ 劉顯 劉慧相 鄭文憬 嚴王師

潘舉達 潘元歸 龔琮智 陳修志 已上各三

千

右下層第一區計十一行

蔣敦儒 蔣敦修 沈適 薛闡 何徽 顏輯

陳復圭 陳待舉 陳琳 陳誌 王珪 朱若保

蘇安勝 朱壽 陳政 池彥 徐安尙 詹公

祐 池俛 董全 胡鄭 朱文爽 朱晟元 陳

祥 朱善 陳範 黃師感 黃法強 支仁岳

嚴榮 支仁珪 黃法成 葉公壽 董絮林 章

伯万 章行兒 殷熙惠 章安祖 朱伴生 葉  
士周 葉雪顏 主陶保 陳周生 劉晞祚 周  
增超 周李兒 劉文德 陶有崇 蘇全 徐神  
馱 蘇酉兒 張酉生 已上各施一貫

右第二區計十二行

陳三娘留九娘葉六娘夏四娘朱廿七娘各一千  
阮十九娘朱十娘支八娘游九娘周十六娘潘十九  
娘各一千

右杖象間計二行

葉彥施一貫五百 夏道伸 夏伴成 王公感  
王充 葉魯 諸葛琛 吳公智 劉矜 范全  
魏昌 劉周勝 劉宗聚 陳公安 章閏 葉茂

夏周護 劉盛元 陳感安 應小來 王晟

邵夢星 吳添壽 李善兒 李文德 朱益 劉

文安 陳葉師 周法巡 項閨生 應禮 朱田

安 葉伴德 董遇女 翁道詮 王丑兒 何珣

陳允齋 陳良 陳葉 林晟 林法想 李忽

朱世蕃 陳感 支宗從 支仁錄 支宗安

支仁晟 劉六兒 蘇添兒 單仔 各一千

右第三區計十一行

承信郎新差福建路提刑司准備差使萬祥施一千

鐘匠翁詳翁禧

右枚篆閒計二行

當院 戒瓊 正規 道征 慧開 陵謂 沖遠

沖悅 沖性 法行 沖律 曇惣 曇向 景  
寰 僧遇 清治 已上各一貫 清涼院住持傳  
教比丘妙因施五貫 守仁 子威 宗印 守佺  
守倫 文了 各三貫 長源 梵隆 利祥  
清辨 有忠 道顏 介邪 梵榮 戒先 道珍  
彫資 子明 如瑩 行純 道珍 法俊 介  
孚 道卿 戒清 文矩 智嵩 道顯 照靈  
利津 文智 法拱 曇韻 文郁 師象 文悟  
希淨 介旼 文峻 文昉 曇信 文拱 如  
諫 清演 成行 靈贊 尼法平 紹隆 文振  
惠文 文益 已上各一貫

右第四區計十二行

女弟子 葉三娘 顏四娘 王三娘 章四娘  
林廿三娘 夏四娘 姜五娘 董十六娘 王五  
娘 葉廿六娘 楊十娘 朱七娘 朱八娘 葉  
六娘 殷一娘 王十娘 留十三娘 潘廿五娘  
葉四娘 葉七娘 郝五娘 吳八娘 徐廿一  
娘 夏六娘 商一娘 留七娘 支二娘 夏十  
七娘 姜七娘 朱二娘 王十娘 戴六娘 伊  
十七娘 潘十四娘 潘十六娘 謝十五娘 徐  
十七娘 蘇十六娘 支七娘 伊一娘 陳八娘  
已上各施一貫

右第五區計十一行

沈環劉文安留齊德林弟兄陳衡顏卓嵇陽各一千

鄭多叔張德葉勝老朱閏章俊朱師進朱有希

右枚篆閒計二行

景德院傳教法照五貫 秀峯院可印十貫 可璘

景賢各三貫 良展二貫 章革 陳革 章緯

朱又貴 董旣 夏成 周平 游道瑄 潘文

希母夏一娘 王陳老 葉秀 各施二千 女弟

子董一娘 留十九娘 劉十二娘 蘇三娘 留

廿一娘 蘇十六娘 章七娘 各二千 陳五娘

男聖老施三貫 吳十一娘 張九娘 徐十七娘

徐七娘 葉十娘 陳十九娘 陳十六娘 陳

七娘 葉十三娘 王五娘 徐十九娘 林二娘

各施一千

右第六區計十一行

武進校尉顏師與施二貫

承信郎葉璞施一貫

右枚篆開計二行

姜師政 潘立候 鄭絮良 葉足顏 王彥明

陳僧慶 葉丑顏 季林生 黃法朱 季周生

王吳匝 留元 朱絮兒 章有希 章絮李 周

暖生 徐朱三 徐僧瑤 王遇 潘仕四 徐大

和 徐清臣 劉義 季林生 季周生 蘇公慳

潘立便 周安兒 嚴法俊 何資深 黃有昌

黃添 陳安 夏絮葉 比丘 惠瑄 予京

宗尙 師覺 文習 師復 德威 智常 長融

守旻 彥昇 已上各五百文

右在腹內下層進武校尉承信郎二行之背計  
七行

開地獄真言曰唵喏那嚩婆斯地哩婆斯地哩吽莎  
訶

右在腹內下層沈環鄭多叔二行之背計一行  
劉五娘 章十一娘 周九娘 周十四娘 姚十  
八娘 王十娘 董二娘 留廿一娘 陳一娘  
葉四娘 朱十五娘 朱十六娘 劉五娘 馮四  
娘 吳三娘 夏六娘 林八娘 王三十娘 包  
五娘 柳八娘 朱二十娘 朱廿五娘 潘十三  
娘 黃九娘 李九娘 徐十一娘 楊九娘 陳



東陽金石記 卷之六  
九娘 已上各五百文

右亦在腹內下層第五區之背計六行

右鐘在郡城開元寺案溫州府志開元寺在郡城  
習禮坊晉太監閻李整捨宅爲寺初名崇安寺唐  
改今名鐘鑄於建炎二年戊申二月在高宗駕幸  
溫州之前二年高八尺五分上圍一丈一尺四寸  
下圍一丈五尺五寸四分腰橫起四稜分上下層  
共界爲十二區每區間以直稜三上層區高一尺  
七寸八分廣一尺一寸三分下層區高一尺五分  
廣一尺三寸五分銑厚四寸每區行字不等皆正  
書此鐘初鑄於元豐庚申款云宣和辛丑壞於賊  
火又云兵火燒壞攷府志方臘寇溫州教授劉士

英倡議拒守城賴以全宜爲賊火所不及推原其  
故士英守城時戒衆以鳴鐘爲期鐘振兵皆集據  
此則鐘當移置南城以備緩急之用及俞道安攻  
城以船載火燒水門持炬燒戰棚望樓火礮洞車  
雲梯並設以攻南門或者鐘卽燬於此時亦未可  
知蔣偉後登紹興乙卯進士官閩清幹辦是年戊  
申蓋在未登第時故稱鄉貢進士沿唐例也府志  
載銘詞妙用難言作元妙難言叩之鏗然作鏘然  
知縣詹夫作詹夫丞簿尉三人舊府縣志並失載  
今依改正前資二字見唐書又金石萃編永興軍  
中書劄子戶部侍郎知河陽軍范雍奏臣昨知永  
興軍體量得前資寄仕官員頗多子弟輩不務肯

構又文獻通考有前資官卽今之前任官也則此  
前資云者疑卽謂前此住持之僧耳進武校尉承  
信郎並武散官鐘匠曰翁詳翁禧樂清白鶴寺鐘  
有永嘉鐘匠翁詳聽名疑卽此二人紹興二年護  
國寺鐘亦翁祥并男文裴鑄造蓋良冶也銅質精  
純寶光外鐫字體亦勁逸可喜願作彤靈作靈俱  
別體

孫詒讓案蔣序云龍泉寶鐘宣和辛丑壞於賊火  
攷萬厯府志祠祀門載有龍泉院在泰清鄉而鐘  
款第四區亦有當院僧人戒瓊等捨錢字樣竊疑  
此鐘乃龍泉院故物後歸開元寺猶前卷所載密  
印寺元豐鐘本證覺院物也宣和辛丑卽呂師襄

犯温州時郡城以劉教授等堅守得全而諸鄉蹂躪殆徧龍泉舊鐘之焜卽在是時無足怪矣

吳積中妻許氏壙誌

宋居士吳積中妻許氏温州瑞安人父球贈太子少師妣何氏永嘉郡夫人嘉祐壬寅三月丁巳生宣味甲辰十月丁巳卒以建炎己酉九月癸酉葬邑左白巖山男四轅輯輶輶並業儒轅遊學陝西先夫人卒女三人各適進士長□慙次黃庭議季周時紱男孫叁人女孫一人

孫詒讓案右壙誌石高一尺三寸廣一尺九寸強誌文凡十一行行十字字徑八分楷法絕秀整首尾完具惟第九行末一字剝泐不可辨光緒壬午

秋瑞安東門外隆山村民掘地得之今藏邑中許氏家大人曰吳積中及其子四人郡縣志皆無攷所謂壻三人皆進士者亦不見郡縣志選舉門題名蓋鄉貢之未中第者宋南渡初吾鄉許氏爲顯官者惟忠簡公景衡宋史忠簡本傳建炎元年遷尙書右丞明年以資政殿大學士提舉洞霄宮罷政五月卒於瓜洲宋制文臣非執政不得贈三代至太子師保許氏之葬在建炎三年而父球嘗贈太子少師則必忠簡爲右丞時所得恩數球當卽忠簡父名許氏卽忠簡女兄弟也又攷橫塘集沈耕道妻墓誌言其子爲郡學生將謀婦氏曰吳氏女許出也有賢行其伯仲皆儒者又云將葬來

請曰吾辱子游而吾妻知子之賢請婚甥室是忠  
簡塙有女兄弟嫁吳氏者竊疑沈耕道子婦吳氏  
卽積中女誌所謂慙者卽耕道子耕道墓誌僅書  
子某未著其名  
此誌慙上適缺一字蓋卽沈字也史傳及郡志並  
不詳忠簡先世惟邑中許氏譜載忠簡父名侃特  
奏名科贈太子少師譜載母何氏封永嘉郡夫人  
與此誌同嘉靖瑞安縣志特  
奏名科許侃其名與此不合攷宋真宗封襄王時  
不云忠簡父其名與此不合攷宋真宗封襄王時  
改名元侃宋人避諱最謹宋史楊大雅傳載大雅  
本名侃避真宗藩邸諱改今名忠簡父正當真宗  
之後不宜以侃爲名譜牒之文多傳會不足據要  
之球爲忠簡父以此石及本集參互定之殆可無  
疑也

東甌金石志 卷六  
又案誌載許氏以嘉祐壬寅三月丁巳生以宣和  
甲辰十月丁巳卒以建炎己酉九月癸酉葬攷壬  
寅爲嘉祐七年檢錢氏四史朔閏表是年三月戊  
申朔則丁巳是月十日也甲辰爲宣和六年檢錢  
表是年十月甲辰朔則丁巳是月十四日也己酉  
爲建炎三年檢錢表是年九月丙午朔則癸酉是  
月二十八日也又云男孫叁人叁卽俗傳大寫三  
字實卽參之譌變金石萃編咸亨四年鄭惠王石  
塔記云王卽太武皇帝之第拾叁子則唐初已用  
此字蓋其由來遠矣

東甌金石志卷六

東甌金石志卷七

嘉善 戴咸弼 鼇峯

瑞安 孫詒讓 仲容

宋三

滕甫鳳凰巖題字

鳳皇巖

徐引之按巖在平陽鳳山去西寺二十餘步四面  
危石高可十丈爲人跡所不到三字矗立雲表筆  
畫挺秀約徑三尺餘援梯仰視人名年號模糊難  
認及考滕牧題記始知爲其祖少師公書也特不  
知在北宋何年耳

右鳳皇巖三字在平陽鳳山爲宋滕甫所題平陽



志古跡第云內翰滕甫來遊留題詩句而不及鳳  
凰巖三字蓋在人跡不到之處知者鮮耳滕甫之  
爲學士在神宗朝此題不著年月未可臆斷爲何  
時故援左氏先經起義之例錄於滕牧題記之前  
滕牧鳳凰巖題記

永嘉瀕海山水多勝

鳳凰巖乃先大父少

師公勅石賦詩巖閒碑刻

具在孫牧自瑞安來游

恭覽手澤增霜露之感

紹興元年三月十日

右刻在鳳凰巖趙義之題名之次六行行八字至

十字不等正書徑三寸五分平陽志古蹟來儀亭  
在鳳山宋內翰滕甫來遊留句後人建亭鳳山在  
縣南二十五里下臨長江綿亙數里舊名錢倉宋  
初內翰滕甫遊此改今名有題鳳山詩七古一篇  
首句云東都野客天性狂爲愛好山窮南荒鳳凰  
山前日大醉醉把山巖名鳳皇據此則山名乃滕  
甫所命遂書於石卽其孫牧所稱少師公是也今  
三字尙在其詩不可得見幸縣志載之藉資印證  
其爲滕甫所題無疑攷宋史滕甫東陽人字元發  
後以字行而字達道第三人及第授大理評事通  
判湖州召試集賢校理開封推官轉鹽鐵判官同  
修起居注神宗立召對進知制誥權知諫院拜御

史中丞出知秦州不遣命安撫河北饑民除翰林  
學士知開封王安石因事出之知鄆州徙定州進  
禮部侍郎復歷青齊鄧三州會妻黨犯法因以擠  
之落職知池安二州改知湖州哲宗立移蘇揚二  
州復徙真定河東以老求爲龍圖閣學士復知揚  
州卒跡其宦跡所經未嘗至浙東而此題有孫牧  
所題及詩爲可據也又續通鑑建炎三年有知唐  
州滕牧招降羣盜王民等未幾遷京西轉運判官  
又二年爲紹興元年其題名見於南北二廡者在  
是年三四月閒殆亦以游宦來溫而留此題歟然  
不可攷矣

滕牧等龍鼻洞題名碑

滕牧鮑仔馬直

之王平林元成

薛直言劉孝忠

孫仲鼇紹興辛

亥四月九日遊

右在樂清雁山龍鼻洞佛龕右側石高三尺一寸  
九分寬二尺四寸二分五行行六字正書徑六寸  
滕牧以下同遊者七人牧已見前餘無考

孫詒讓案萬厓府志宋進士題名紹興戊午有薛  
直言永嘉人官教授又紹興乙卯有孫仲鼇永嘉  
人使金國攷陳騭中興館閣錄校書郎題名孫仲  
鼇字道山永嘉人汪應辰榜同進士出身治詩賦

東陽金石錄卷之八  
三  
紹興十九年六月除二十一年六月爲司勳員外郎又李心傳道命錄載右正言鄭仲熊論司勳員外郎權國子司業兼權中書舍人孫仲鼐力主專門以私黨與仲鼐坐免卽其人也

西山護國寺鐘銘

時紹興二年歲次壬子十月二十二日記

當山前往住持傳教賜紫惠海大師起賢施銀財二十千助成勝事願法界衆生聞此鐘聲咸生佛國頌曰鐘聲非是塵 圓融法界身 稽首觀自在 □□

□□□ 重修廣大圓滿無礙大悲心大陀羅尼

三昧鐘 缺 方等住持壽寧教院傳天台教觀賜

紫佛辯大師忠告述

廣大洪鐘圓滿音

無礙徧周於法界

稱性與拔悟羣生

忽持化事摧魔外

體圓空明三德融

還同金鼓宣揚大

在在洞現誓莊嚴

化用難思等超邁

永嘉翁祥并男文斐鑄造

右銅鐘在永嘉西山護國寺形製與白鶴開元兩  
寺鐘同蓋鑄造之匠亦翁氏父子也此數行字尙  
完好餘皆助緣人姓氏晨星零落似經鐫削者然  
考康熙年間藩之變僞都督曾養性攻温州屯營  
西山疑爲賊兵所損幸歲月尙存始知其爲南宋  
時物洵堪寶貴忠告二字畧小偏右忠告字復之  
樂清陳氏子政洪寺僧戒行精嚴究大小乘研極

元妙後示寂於永嘉大雲寺其夕聞空中樂音跣坐而逝事詳萬厯樂清縣志護國寺居西山之麓離城四五里中隔一嶺與居民不相通爲西山淨域相傳建自宋紹興閒無碑碣可攷嘉慶初幾成墟矣道光中寺僧秀川經營勸募殿宇一新至十八年春落成先是山門外光燄燭天居民異而掘之得方石一上鐫文佛像四石筴二鐫武佛像四旁注一萬人同造後五百年有福慧者重興十五字見永嘉陳遇春所爲碑記以五百年重興之運屬之秀川豈其然歟果爾則是刻當在元之末造然白秀川重建後同治初寺又燬於粵寇今棟宇粗就而所謂石佛題字碑余訪之寺僧徧覓不可

得夫沈埋五百年既顯矣陳君賦詩記之徵同人  
題詠成帙又作石佛考謂文佛像當卽賢劫四尊  
武佛像當卽四天王佛法有靈如此何僅閱數十  
年而顯者復晦耶物理固有不可測者耶今并附  
識於此

歐陽交等鳳凰巖題名

左文

歐陽交端叔書

鳳凰巖中景致

立道來遊徧覽

仲仲求同林生

邀王翼口師賈

知鎮張師敏子賢



紹興三年季春

徐引之按右在平陽鳳凰巖七行左文字徑五六寸筆畫甚奇古

張師敏鳳雛石題字

紹興四年正月旦日

鳳雛石

承信郎監鎮稅張師敏口開山

徐引之按石在鳳凰巖右特立路旁形肖鳳巖而較小故以雛名中三字如斗大蒼老之筆殊非後人可及

張建鳳皇巖詩刻

盡把鉏犁鑄五兵

岐山無復鳳凰鳴

何人更解驅頭石

飛向中原頌太平

延平張建

徐引之按右在鳳凰巖首尾凡五行

古砧石刻

紹興七年

林用霖按右在泰順南院青石六角高約二尺八九寸光潤如鏡旁面鐫紹興七年四字

釋青了開井發願文

皈命頂禮徧滿法界十方三世諸佛如來大乘至教  
秘密真詮甚深法寶十方和合大菩薩僧同賜洪慈

證知我今開井志求洪泉現在未來饒益一切我居  
茲地江水回環山有高峯孤然秀出伽藍久翊其已  
歲除一衆僧居乏水飲用我諦詳審乃禱觀音於此  
山心所求清水興二七日感夢吉祥後方見泉洪漸  
而大但當仰荷佛力沾濡於一點中流出無盡如我  
觀察無異思惟以仗願言莊嚴佛果願此泉水流注  
無窮通徹金剛輪際乳海具足充滿八功德泉涌現  
井中常獲盈滿願以此水盡未來時供給往來十方  
清衆餘沾遐邇一切等人一滴所滋成佛緣種願以  
此水廣益衆生飲此水時如味甘露悉令增益色力  
命安咸悟妙心發生妙慧願飲此水皆得智漿流灌  
心田道芽增長諸根明利正念圓成深遠法源傳佛

心印願飲此水得大總持世世生生感通正法泛般  
若舟到無依處坐法空座建大法幢潤益衆生紹隆  
佛種願飲此水身心圓明與諸如來法流水接入佛  
慧海了最上乘等如來心齊如來見願飲此水生如  
來家受諸覺<sub>三</sub>法水灌頂獲無生記登不退階莊嚴  
十方諸佛淨土願飲此水皆悉登於大菩提場齊成  
佛道坐菩提樹轉大法輪廣度衆生證寂滅樂然我  
今者觀性相空承佛威神故發斯願以無所得爲方  
便門於我身心都無所願我開井日先與諸天堅牢  
地神而有其約若得見水當於井中鑄佛密言廣發  
大願以鎮其底永作智山變此井泉俱成法水願皆  
安順同證作乘先作佛時遞相度脫如我此懇今已

獲遂將此菩提善根普皆回向十方法界一切有情  
衆生平等共有齊於實際徧於虛空三有同霑四恩  
共報怨親等及諸證菩提普願衆生成登究竟

文儒案井在永嘉孤嶼龍翔院東文周遭刻於井  
內石上直下丈許不得塌陽光照之始見字跡青  
了字真嶺西蜀左綿人年十八試法華經得度至  
沔漢見丹霞溈禪師悟旨復遊五臺之大梁浮汴  
直抵長蘆謁照禪師一語契投未幾命師繼席付  
衣爲丹霞嗣師豫備布袈裟於袖搭起示衆曰得  
法丹霞老傳衣照祖庭恩深雖無語懷抱自分明  
紹興七年奉詔於此開山積土中川併龍翔興慶  
爲一而江水鹹鹵不可食師致禱觀音掘井得泉

清冽而甘見陳舜咨孤嶼志甌中泉味以翠微山  
玉眉泉松臺山金沙井及此爲最俗稱東井又瑠  
璃泉在興慶院俗稱西井一名迴環水謂旅客飲  
此異日必重來長沙徐壽蘅學使呼爲靈壽泉有  
題記

陳叔興趙允承等岑崎山題名

左文

十月八日遊

簡宋廷佐紹興戊辰

吳擇善徐致一沈元

陳叔興趙允承魯仲

右在瑞安岑崎山翠陰洞右壁趙景仁絕句之下  
左文四行三行行八字一行五字行楷書徑六寸

夏國全不元  
七分宋廷佐名之才瑞安人楊龜山門人登重和  
甲戌進士仕至敷文閣待制諡文簡見萬厯府志  
宦業傳

孫詒讓案沈元簡名大廉瑞安人登建炎戊申進  
士紹興閒爲監察御史以風節著終福建提刑見  
嘉靖瑞安縣志宦業傳

東村證覺寺題記

紹興十九年

歲次己巳二

月十五日記

右在永嘉四十二都東村證覺寺謝文波拓示三行  
行五字下有蓮花座不知何寺爲何等題記也俟

補錄

澄頭井闢題字

辛未紹興二十一

年四月甲子日

建造井闢同共

幹置人陳元德

方仲亮□□餘

孫詒讓案右井闢題字在瑞安二十五都澄頭凡五行第一行七字餘行並六字首云辛未紹興二十一年以太歲冠於紀元之上石刻中所罕見又云四月甲子日以宋史厯志所載紹興統元厯推之是年四月壬申朔甲子其二十八日也



紫芝觀銅鐘款識

奉爲祝延

今上

紹興二十二年壬申歲三月一日募緣鑄造

住持

右上層第一區計四行

住持傳天台教觀賜紫圓鑒大師□□

住山法樞

蔣彥臻

鐘匠張公老

右第二區

乾道九年二月初十日備

聖旨指揮鑄鑿訖官 不候押

右在第三區後枚篆閒計二行鑄刻陰文

左朝請大夫薛良貴 左朝奉郎王鞏 右從事郎

王杲 止止居士趙 親衛大夫高孜 譙人曹勛

王待制宅徐氏淨覺 右從事郎高拱之 武功

大夫郭端禮 右迪郎劉銓 右奉議郎王閏 承

節郎趙不晦 右迪功郎盧口 承節郎田舜欽

迪功郎馮伯棻 右迪功郎林賞卿 右儒林郎凌

遠 從政郎趙伯宗 右修職郎薛彥傳 范相公

宅 白雲翁 趙孝簡孫趙 保義郎趙伯與 保

義郎趙伯明 右宣敎郎陳口 秉義郎朱口 右

承議郎朱伯臨 卓通判宅 忠訓郎毛晴 敦武

郎趙士穎 武節郎衛口 宗子趙明道 福州巡

檢蔣端卿 從義郎張彥振 翰林醫學官葉霧

右承直郎施畢 已上各施錢助緣並願增崇祿位

紫芝觀在樂清東臯山下宋至和中建亦張文君  
修煉之地紹興丁卯道士邱大同經始成觀此鐘  
上下各六區彷彿白鶴寺鐘式高五尺五寸上層  
區高二尺廣一尺四寸下層區高一尺二寸廣一  
尺五寸下圍一丈一尺三寸上層三四六三區無  
字第二區字計十行與第一區俱剝落不全下層  
惟一五六三區有字餘磨滅腹內周刻施錢人姓  
氏行約十三四字字俱完好並正書乾道九年兩  
行二十一字陰文徑六七分不候押三字偏右所

謂備聖旨指揮鐫鑿訖官不候押云云不知何等  
語唐開元南康縣洞清觀鐘亦有宋鐫字云守殿  
中丞知縣事成□守主簿夏侯□守縣尉周准勅  
省指揮鐫題咸平三年拾壹月日云云右迪郎劉  
銓郎字上疑落一功字

孫詒讓案此鐘所紀施錢助緣人名並當時宦族  
及中原故家僑寓温州者其見於史志者如曹勛  
字公顯陽翟人宣和進士南渡後官至昭信軍節  
度使加太尉見宋史廣韻六豪曹姓有四望其一  
爲譙國故此自題譙人也薛良貴字貴全瑞安人  
政和壬辰進士官終朝議大夫知復州見嘉靖瑞  
安縣志忠義傳此繫銜爲朝請大夫攷宋史職官

志朝請大夫階在朝議大夫下則其時尚未加朝  
議也劉銓字全之樂清人紹興壬戌進士官至知  
海鹽縣見隆慶樂清縣志宦業傳王十朋梅溪後  
集有劉知縣墓誌銘卽爲銓作也王鞏永嘉人紹  
興壬子進士官至知潮州見萬厯府志宋進士題  
名又有云范相公宅者攷宋史范宗尹傳紹興元  
年罷尙書右僕射轉同中書門下平章事知温州  
退居於台州卒則所謂范相公者殆卽宗尹其時  
宗尹已卒其眷屬或有寓温州者故稱宅也

楚國太夫人周氏墓誌銘

有宋楚國太夫人周氏墓誌銘

有宋楚國太夫人周氏墓誌銘

龍圖閣直學士左通議大夫提舉江州太平興國宮  
京兆郡開國公食邑二千三百戶食實封壹伯戶康  
執權撰并書

左朝散郎通判福州軍州主管學事兼管內勸農事  
兼西□□□丞高敏信篆額

夫人姓周氏開封人故少傅感德軍節度使充萬壽  
觀使贈太師謚忠節高公諱世則之夫人也 昭淑  
貴妃之姪孫女皇曾祖鼎贈太師恩平郡王皇大父  
士安贈監門衛大將軍皇考師錫贈武義大夫夫人  
生而靜秀蹈履粹和蚤適忠節其事姑聽而婉其事  
夫柔而□姑晚多病夫人躬親藥餌雖祈寒隆暑昕  
夕侍側未嘗懈倦宗族稱□孝焉忠節際會 風

雲驅馳險阻備宣羈紲之勞卒成翼戴之業

龍

地之章焜耀當世夫人有助焉初忠節從

王

使虜論事不屈慮貽他費夫人然頂灼臂以禱既回復爲參議官時虜情叵測府屬憚往者多夫人謂公事君不擇事居官不避難見危授命臣子之職也公其毋辭忠節遂行淦陽之變擁佑

聖躬無虞

上卽口位顧公恩禮有加賚予優渥旋奉祠

祿公思永嘉山水之勝擬欲卜居夫人曰我幼時記昭淑授以詩有故人官就此絕境與誰同之句真樂土也宜家焉於是買田負郭作園圃蒔名葩植佳木以備遊息忠節喜曰吾始盡忠于國今得休于家皆吾妻之力其後忠節被召除判温州夫人勸以

辭未幾民居災吏以不職被黜而公適就閒人皆謂夫人有先見之明公之既薨夫人哀毀懇請于

朝以畢襄事

上慨念南陽故臣眷恤其家錫

之土田加其子職自貳車而持使節俾奉安輿便甘旨三衢歲饑盜發口邑聲勢張甚其子以使者躬行賑濟州賴以安時夫人春秋高日起歸與會溫闕守上卽以命其子不數十年居父官府時人榮之而能鎮靜不擾有父風烈蓋賢母之教也初伯氏承宣亡於兵火聞諸孤幼弱夫人拊之如已出稍長爲畢婚嫁又以忠節任子恩及其孫子或告之親孫蔭補未徧夫人不恤其憫孤重義人所不能及也夫人生平薄於自奉而厚於施與輔佐忠節由下位以致台輔



歷更艱危不易其志終享厚福自忠節之薨屏去鉛華專意清淨有幽人之風疾革呼家人與訣神爽不亂安然而逝實紹興二十八年十一月十五日也享年八十有二初用夫恩累封至吳國後用子加封爲楚國太夫人卜以明年正月庚申祔于温州瑞安縣崇泰鄉仙巖寺之東山忠節公之墓右子一人百之右奉議郎前直秘閣知温州孫男七人長子津承事郎次子汝子演子滿承奉郎子溶承務郎子津知婺州永康縣丞子汝監臨安府樓店務子演監湖州新市鎮稅子渥子淵未仕孫女四人長適敷文閣直學士右朝請郎提舉江州太平興國宮秦垓次許嫁左修職郎温州瑞安縣尉趙伯昌餘未行曾孫男四人

不疎不倚不羣不若曾孫女九人尙幼建炎初執權  
承乏給舍忠節時寓維揚因獲邂逅後忠節居退亦  
數會見然方撓攘皆不克從容以接論議暨徙居永  
嘉而忠節已下世乃與公子直閣往來甚款孰聞夫  
人之行實今勾銘於僕僕義不得而辭銘曰

周自昭淑 門閥始盛 澤逮親族 尊崇莫並

誰其似之 楚鍾其慶 夫登師傅 子擁藩屏

芝蘭滿庭 青紫輝映 旣壽而臧 屢膺 寵命

錫之土田 恩禮有稱 從子宦遊 吏命將迎

輶傳魚軒 塗歌里詠 母子之榮 光生路徑

晚悟真乘 一味清淨 倏然返真 廓然見性

岌岌仙巖 谷幽地勝 歸歟佳城 福祥延互

右在瑞安仙巖山高公墓前碑高七尺二寸二分  
寬三尺九寸一分二十七行行五十字正書經九  
分篆額一十二字徑四寸八分世則蒙城人字仲  
貽祖士林字才卿宜仁太后弟父公紀字君正宋  
史俱附外戚高遵裕傳篇中所尊皆空格不提行  
昭淑貴妃空一格惟我幼時記昭淑授以詩句適  
當第七行之首不空格康執權字平仲作字伯可  
河南祥符人龍圖閣直學士建炎間扈蹕來永嘉  
遂家焉乾道丁亥八月卒諡銀青光祿大夫見宋  
向伯奮康公墓誌秦墳秦伯孫見宋史姦臣傳

孫詒讓案右宋高世則妻楚國太夫人周氏墓誌  
爲康執權所撰并書高敏信篆額執權見宋陳肖

巖庚溪詩話載其以待制寓永嘉爲籍妓山姓作詩蓋中原故家避兵南徙與蒙城高氏同寓温州故爲作誌也其繫銜稱龍圖閣直學士左通議大夫提舉太平興國宮京兆郡開國公則作誌時方以直學士奉祠蓋在爲待制後誌內有云建炎初執權承乏給舍則執權又嘗爲給事中又云暨徙居永嘉而忠節已下世卽其寓永嘉之事也敏信籍貫無攷其繫銜爲左朝散郎通判福州軍州主管學事兼管內勸農事兼西□□丞攷宋史百官志崇寧三年置西外宗正司於西京南渡徙西外揚州其後屢徙西外止於福州正德福州府志亦云知宗正一員丞一員以本州通判兼然則西

字下所缺當是外宗正三字矣誌云夫人故少傅  
感德軍節度使充萬壽觀使贈太師諡忠節高公  
諱世則之夫人也攷宋史外戚傳亦載世則爲感  
德軍節度使充萬壽觀使進少保卒贈太傅與此  
略同惟云卒贈太傅與此異据誌則世則生時加  
少傅卒乃贈太師史偶遺加少傅事又訛太師爲  
太傅並當据此正之誌又云夫人開封人昭淑貴  
妃之姪孫女案昭淑爲仁宗妃見宋史后妃傳亦  
云開封人與此正合誌又載夫人曾祖鼎贈太師  
恩平郡王攷宋史徽宗顯恭王皇后傳云時卿王  
二妃方亢寵巨閹妄意迎合誣以閹昧命刑部侍  
郎周鼎卽秘獄參驗略無一迹當卽此人周貴妃

傳不載其父名以此誌攷之鼎當卽妃父故緣戚  
晚恩澤有師保郡王之贈也誌又云公思永嘉山  
水之勝擬欲卜居夫人曰我幼時記昭淑授以詩  
有故人官就此絕境與誰同之句真樂土也云云  
故人二句卽杜子美贈裴二虬作尉永嘉詩故夫  
人爲世則誦之又宋史世則傳云金人邀親王宰  
執詣軍前議事高宗在康邸請行是日世則入對  
遂除計議使以從康王復使河北世則改華州觀  
察使充參議官召對賜金帶當高宗艱難世則常  
在左右寢處不少離大元帥府建改元帥府參議  
官此誌云忠節從王使虜論事不屈旣回復爲參  
議官澄陽之變擁佑聖躬卽其事也誌又載夫人

子百之右奉議郎直秘閣知温州府志載百之以  
秘閣修撰知與此小異又夫人曾孫男四人惟不  
倚登嘉泰進士官浙東帥幹亦見萬厯府志餘並  
無攷

焦石石塔題記

切以佛在來世廣濟□

生佛自涅槃垂言振

釋由是大新謹發致心命

匠斲□寶幢一所仿鑲

佛頂尊勝陀羅尼呪□

茲功德自拔已往之怨

尤□歷未萌之禍咎□

□風平浪靜具無傾覆□

危舟行岸移豈在奔波

之戒紹興辛巳二月甲寅

日立

正信弟子戴大新

善友陳□□

華嚴石匠陳文光

詒讓按右石塔在瑞安城西八里江中小山上俗謂之白塔塔凡六面東三面無刻字西向第一面刻字七行第二面六行第三面一行辛巳爲紹興三十一年據錢氏四史朔閏表是年二月甲辰朔甲寅爲是月十一日此爲戴大新造石幢刻陀羅



尼呪記原石當尙有呪語今已不存此刻上一層石色較新六面亦並有小字點畫淺細不甚可辨細審之大抵皆捨錢人姓名東向一面有嘉靖九年二行字特大與他處不類是一時所刻否此山純石高峙中流江濤湍急最爲險阨向無津逮者光緒戊寅二月余與從弟詒燕同至陶山訪碑乘潮上駛過此橫舟登覽遂得茲刻亦足喜也  
蔡允升壺洲洞題字

壺洲洞

蔡允升題

林用霖按洞在泰順章峰山前字鐫洞崖上行楷書洞名三字徑尺餘允升允嘉弟初補汴都右庠

建炎初以薦赴行在值高宗南幸賜武科同進士  
出身承忠郎授福州兵馬都監兼權市舶擢武翼  
大夫主管樞密院機宜文字見雍正泰順縣志

趙景嚴等鳳凰巖題名

左文

□丑冬至後一日同游

□陽□義曾朴重紹興

劉氏宗朱漢章齋有元

趙景嚴炳文德夫子安

徐引之按右在平陽鳳凰巖之西左文四行行九  
字正書徑六寸許筆力勁健紹興癸丑爲三年乙  
丑爲十五年丁丑爲二十七年此不知是幾年

陳桷合掌巖磨崖詩

合掌仙峯插漢高下臨滄海壓波濤看來疑是金仙子無相光輝禮玉毫

徐引之按巖在平陽縣東二十里象灣山兩石並聳極爲形似此詩刻於巖石上字徑六寸餘桷字季任平陽人政和二年廷對第三授冀州兵曹參軍累官廣南東路經略使安撫使當秦檜用事以永嘉爲寓里士皆攀附獨不往晚以議普安郡王出閣禮罷奉祠宋史本傳稱其守禮知變殆不誣云

東甌金石志卷七